



Broj: 09-20-11-2-3227/22
Datum: 23.02.2023.godine

Na osnovu člana 43. i 45. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14), i preporuke Komisije za provođenje otvorenih postupaka nabavke u 2023. godini, zamjenik direktora Federalne uprave policije d o n o s i :

ODLUKU

o izboru najpovoljnijeg ponuđača u postupku javne nabavke reagensa za aparate za DNA analize sa pripadajućim potrošnim materijalom – LOT 1
(Reagensi za aparate ABI310, ABI3130, 3500, RT-PCRABI7500, PCRABI9700 i VERITI)

1. Dodjeljuje se Ugovor ponuđaču Biosistemi doo Sarajevo za javnu nabavku reagensa za aparate za DNA analize sa pripadajućim potrošnim materijalom – LOT 1 (Reagensi za aparate ABI310, ABI3130, 3500, RT-PCRABI7500, PCRABI9700 i VERITI) prema Ponudi broj 23-012-000001 od 24.01.2023. godine sa ponuđenom cijenom u iznosu od 136.001,00 KM bez PDV-a
2. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
3. Obavezuje se ponuđač iz tačke 1. ove Odluke da u roku od 5 dana od prijema ove Odluke dostavi dokumenta navedena u Tenderskoj dokumentaciji broj: 09-20-11-2-3227 od 29.12.2022 godine.
4. Ova odluka objavit će se na web stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama ("Službeni glasnik BiH", broj:29/14).
5. Za izvršenje Odluke zadužuje se Sektor za materijalno-finansijske poslove.

OBRAZLOŽENJE

Federalna uprava policije provela je otvoreni postupak javne nabavke reagensa za aparate za DNA analize sa pripadajućim potrošnim materijalom – LOT 1 (Reagensi za aparate ABI310, ABI3130, 3500, RT-PCRABI7500, PCRABI9700 i VERITI), koji je pokrenut Odlukom o pokretanju postupka javne nabavke broj: 09-20-11-2-3227 od 29.12.2022.godine, prema Obavještenju o nabavci broj: 1412-1-1-360-3-196/22 objavljeno u "Službenom glasniku BiH" broj: 5/23, dana 20.01.2023. godine.

Komisija za provođenje otvorenih postupaka nabavki za 2023. godinu, imenovana Rješenjem zamjenika direktora Federalne uprave policije broj: 09-19/1-30-2-26 od 04.01.2023.godine utvrdila da je do propisanog krajnjeg roka za dostavljanje ponuda pristigle dvije ponude i to ponuda ponuđača Mikro+Polo doo Sarajevo broj 02-4-11-2.L1/23 od 25.01.2023. godine sa ponuđenom cijenom u iznosu od 135.992,00 KM bez PDV-a i ponuda ponuđača Biosistemi doo Sarajevo broj 23-012-000001 od 24.01.2023. godine sa ponuđenom cijenom u iznosu od 136.001,00 KM bez PDV-a, što je konstatovano Zapisnikom komisije o pregledu i ocjeni ponuda broj: 20-11-2-3227/22 od 07.02.2023. i 23.02.2023. godine u koji su uneseni svi elementi predviđeni članom 63. stav 4. i 5. Zakona o javnim nabavkama BiH.

U postupku pregleda i ocjene ponuda, Komisija je od Centra za forenzička ispitivanja, vještačenja i istraživanja zatražila stručno mišljenje da li su ponuđeni reagensi (koji se nude kao ekvivalent) prihvatljivi za aparate za koje se nabavljaju, a koje je ponudio ponuđač Mikro+Polo doo Sarajevo za LOT-1, o čemu je zaprimljen akt – stručno mišljenje navedenog Centra broj: 20-11-2-3227/22 od 07.02.2023. godine prema kojem se isti Centar nakon detaljnog proučavanja dostavljene dokumentacije odredio da ponuđeni reagensi ponuđača Mikro+Polo doo Sarajevo ne odgovaraju i da isti nisu u skladu sa tenderskom dokumentacijom, a koje stručno mišljenje je Komisija prihvatila i navedenu ponudu ocijenila nepravilnom, te ponuđača Mikro+Polo doo Sarajevo isključila iz dalje kvalifikacije.

Komisija je vodeći se uslovima propisanim TD i prema kriteriju najniža ukupna cijena tehnički zadovoljavajuće ponude konstatovala da je ponuda ponuđača Biosistemi doo Sarajevo formalno pravno ispravna i za ugovorni organ prihvatljiva, te je shodno članu 70., Zakona o javnim nabavkama Bosne i Hercegovine, predložila donošenje Odluke o izboru ponuđača za navedeno pravno lice za LOT 1 predmetne Javne nabavke.

Razmatrajući prijedlog Komisije, zamjenik direktora donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.


**ZAMJENIK DIREKTORA
GENERALNI INSPEKTOR POLICIJE**
Ensad Korman

Dostaviti:

- Sektor za mat. fin. poslove
- ponuđačima
- u spis
-